

# SOLARNI POVRATAK


*Blažić Đenifer*

---

*„I dalje vjerujem da Sunce izlazi svakog dana  
i da svako novo Sunce najavljuje novi dan; dan koji je juče bio budućnost.  
I dalje vjerujem da će današnji dan, u trenutku zatvaranja jedne stranice vremena,  
obećati sutra – ranije nepredvidivo, kasnije neponovljivo.“*

Prije mnogo, mnogo vremena, cijela je Zemlja bila prekrivena mrakom i nije postojalo ništa osim stjenovitih planina i strmih litica. Ljudi tada nisu ništa znali. Živjeli su poput životinja, odlazeći nagi u polje, bez srama. Nisu imali ni kuće ni sela, već su živjeli u spiljama, stišćući se jedni uz druge zbog topline, jer nisu znali zapaliti vatru. Hranili su se divljim voćem i svim životinjama koje su mogli uloviti, čupajući meso zubima i gutajući ga sirovog. Kada su vremena bila teška, hranili bi se travom ili korijenjem trava i divljih biljaka, a ponekad bi se gostili i ljudskim mesom. Zatim je došlo Sunce - i njegovo je svjetlo obasjalo svijet i pokazalo nesretnu situaciju ljudi. I, zato što je Sunce bilo ljubazno, sramilo se zbog njih. Stoga je odlučilo poslati jednoga od svojih sinova dolje, s neba na zemlju. Njegov bi posao bio pokazati muškarcima i ženama kako obrađiva-

ti zemlju, kako sijati sjeme, uzgajati stoku, čuvati plodove žetve. Također bi ih naučio štovati Sunce kao svojega Boga.



Koliko smo puta nekome čestitali ili primili čestitku uz „Sretan rođendan“?

Oni mlađi, ponosno ističući da će ubrzo u školu...oni malo stariji da će im ubrzo 18... i oni još malo stariji koji su u „najboljim godinama“ i još se jako dobro drže... Stariji od toga, rođendane više ni ne pamte, ni ne broje...

Pitam se koliko nas se sjetilo da rođendan ima nekakve veze sa položajem Sunca, točnije da se za rođendan (ili eventualno dan prije ili kasnije) nađe na točno istom stupnju, minutu i sekundu na kojem je bilo u momentu našega rođenja. Poseban je to trenutak za svakoga, pa će slika planeta upravo u tom momentu biti važna za cijelu nadolazeću godinu. Tehnika koju koristimo za tumačenje naredne godine, od momenta kada se Sunce nađe na natalnoj poziciji nazi-

va se Solarni povratak. Od svih Solarnih povrataka koje prolazimo u svom životu mene su posebno zanimale one godine u kojima se osoba udala/oženila. Vodeći se čistom logikom, naravno da sam u solaru očekivala naglašenu 7. kuću, naglašenu Veneru ili vladara 7 povezane sa natalnim planetama, skladne aspekte vladara 1. i 7. kuće. Neka su se predviđanja ostvarila, neka nisu. U nekim je solarima brak „nacrtan“, u nekima baš i nije. Da bi kvalitetno objasnili horoskop solarnog povratka potrebno je obraditi svaki od slijedećih faktora povezujući ih u smislenu cjelinu, ne propuštajući i uvijek imajući na umu situaciju u natalnoj karti. Kako se u glavnoj ulozi u ovoj tehnici nalazi Sunce, jedan od najvažnijih faktora upravo je njegova pozicija u solarnom horoskopu koja nam ukazuje na naše težnje, na područje na kojemu želimo posebno zablistati.

Natalno Sunce svojom će pozicijom u znaku i kući ukazivati na područje života gdje želimo biti upravo onakvi kakvi jesmo, jasno izražavajući svoj identitet, kreativnost, autentičnost. Tranzitirajući preko natalnih planeta mi zaustavljamo sliku kada Sunce dođe na svoju natalnu poziciju i promatramo u koju solarnu kuću pada. Ta će kuća u toj godini biti posebno naglašena, te možemo očekivati da će osoba pokazivati zanimanje upravo za pitanja koja se tiču određene kuće, spoznajući kroz određeno područje vlastiti identitet. Kako mene posebno zanima pitanje braka i parterstva istaknuti ću da pozicija Sunca u 7. kući može ukazati da osoba razmišlja ili, pak, ulazi u brak. Međutim, ono što smatram važnijim je da natus u tom periodu uči o sebi, kroz druge, kroz odnose. Spoznaje svoju ulogu u odnosu, svjesniji je svog identiteta i doprinosa koji ima u partnerstvu. Prolaze-

ći kroz različite situacije, i gledajući sebe u očima partnera, svjesniji smo sami sebe, svojih očekivanja u vezama. Nije rijetkost da je Sunce postavljeno ni u 4. kući gdje ukazuje da u datoj godini natus prepozna svoju unutrašnju potrebu za emocionalnom stabilnosti, stvarajući dom sa nekim. Pozicija Sunca u 10. kući može ukazivati na promjenu statusa, slike koju mjenjamo u javnosti, “postajući” sada udana žena, oženjen muškarac. Same planete u aspektu sa Suncem ukazivati će što je to, što u razdoblju od godinu dana želimo ostvariti, a aspekti, na koji način. Naravno da će sa konjunkcijom, kvadratom i opozicijom borba biti teža, nego što će to biti sa sekstilom i trigonom sa kojim u borbu ulazimo kako bi nam bilo bolje, kako bismo bili zadovoljni. Veliki značaj imat će i ostali aspekti u solaru, pod uvjetom da su čim egzaktniji, te aspekti prema uglovima horoskopa, naročito prema Ascendentu i Descendentu. Koji bi se aspekti mogli najčešće pojavljivati kada osoba ulazi u brak? Svakako, spoj Sunca i Mjeseca koji već sami po sebi simboliziraju muškarca i ženu, solarni i lunarni princip. Godina u kojoj su ova dva svijetla u kontaktu, godina je u kojoj želimo usuglasiti vlastiti identitet sa našim emocionalnim potrebama. Mlad Mjesec simbol je novog početka, buđenja, svjesni smo sebe i svojih potreba. Godina u kojoj su Sunce i Mjesec u aspektu biti će vrlo vjerovatno važna godina koje ćemo se sjećati. Jer legenda kaže: “Sa sinom Sunca, na Zemlju je došla i kći Mjeseca. Je li Sunce bilo prijatelj Mjesecu? Bili su vjenčani jedno za drugo, objasnio je svećenik. Dakle, dvoje su djece bili brat i sestra.” Ako se Venera nađe u konjunkciji sa Suncem imati ćemo potrebu da svoj identitet iskazujemo kroz parterstvo, brak, ozbiljnu vezu. Željete ćemo se družiti, zabavljati, imati nekoga. Aspekt Sunca sa

Jupiterom boji godinu optimizmom, imamo osjećaj da sve možemo, da nam je sve lako dok aspekt sa ozbiljnim Saturnom potiče preuzimanje odgovornosti, značajne odluke koje se mogu odnositi i na brak, zajednički život sa drugom osobom. Ako se ove planete ( bilo natalne ili solarne ) nađu u aspektu sa osi Ascendent–Descendent vrlo će vjerovatno djelovati na sličan način. Potrebno je još jedanput napomenuti da u obzir treba uzeti i natalne aspekte Sunca jer će solarno Sunce koje natalno ima sekstil sa Jupiterom puno bolje iskoristiti pozitivan aspekt Jupitera u solaru nego što će to učiniti Sunce koje je natalno opterećeno napetim aspektom sa Saturnom.

Slijedeći faktor koji smatram vrlo važnim je Ascendent solarnog povratka koji ukazuje kako nas drugi vide u određenoj godini, te kakva je naša energija u tom periodu. Naravno da sada neće oprezna natalna Ascendentalna Djevica preko noći postati nestrpiljivi solarni Ovan, ali će ovo biti godina u kojoj bi ipak uvijek oprezna Djevica mogla, uz analizu, naravno, ući u ne prevelik rizik. (Upitno je naravno, što je za Djevicu rizik) Znak na Ascendentu ukazivati će na koji način ćemo u nadolazećoj godini pristupati stvarima, kako ćemo rješavati probleme, što će nas zaokupljati. Kako ne bismo svaki solarni Ascendent tumačili na isti način pogledat ćemo u koju natalnu kuću pada solarni Ascendent što će nam pokazati koja će kuća tokom godine biti posebno aktivna. Sigurno da bi solarni Ascendent u Vagi ( naročito ako pada u natalnu 7. kuću) vrlo vjerovatno govorio o braku, međutim nije isključeno da se to neće desiti ako se na Ascendentu pojavi Bik koji toliko žarko želi sigurnost, osjetljivi Rak koji čezne da sa nekime savije gnijezdo ili, pak, strastveni Škorpion koji započinje

potpuno novu fazu života. Vrlo će važno biti kamo je otišao vladar solarnog Ascendenta, koje je njegovo područje aktivnosti, kakve ima aspekte. Tako osoba, iako iz natala možemo vidjeti da je povučena, stidljiva, jer joj je natalni vladar Ascendenta u 6. kući, u datoj godini može biti puno otvorenija, komunikativnija, jer joj se sada solarni Ascendent našao u 3.kući.

Slijedeći faktor, kada govorimo samo o solarnom povratku, je naglašenost određenih kuća. Kao što znamo one se dijele na ugaone, one koje slijede i padajuće. Naglašenost određene vrste kuća Merriman-u služe kako bi opisao „opći pregled godine“, pa ovisno o tome o kojim se kućama radi prilagođava tumačenje. Ako se radi o godini kada se najviše kako solarnih tako i natalnih planeta nađe u ugaonim kućama, godina bi mogla biti od velikog značaja jer ugaone kuće ukazuju na akciju pošto su u prirodnom horoskopu na vrhovima ugaonih kuća kardinalni znaci. Zato su to godine u kojima započinjemo nove odnose, selimo se, napredujemo na poslu. Naglašenost „kuća koje slijede“ koje odgovaraju fiksnim znacima, mogu ukazivati da je došlo vrijeme da se nešto završi, da važnost dobiva sređenost i stabilnost, emocionalna ispunjenost. Promjenjive kuće ukazivati će, pak, na sposobnost prilagođavanja, učenja, na pripremu za nešto što dolazi kasnije, pa događanja neće biti toliko bitna kao sa kardinalnim znacima kada se mogu dešavati sudbinske stvari.

Ono na što još treba da obratimo pozornost kada promatramo solarni povratak je i razmještaj planeta u odnosu na ose horoskopa. Većina planeta iznad horizonta, u principu će dati godinu kada će osoba biti prisutnija u vanjskim događanjima, biti će viđenija

i aktivnija u društvenim aktivnostima. Za razliku od toga, većina planeta ispod horizonta, dati će naglasak na unutarnjem životu i dešavanjima u nama. Osoba neće biti toliko otvorena prema van, te može imati potrebu da se povremeno povuče u svoj vlastiti svijet. Planete na istoku doprinijeti će da sami odlučujemo o svojim aktivnostima i samim time držimo ključ sudbine u svojim rukama, dok će većina planeta na zapadu, uzde staviti u ruke drugima koji bitno mogu utjecati na naše odluke.

Time smo završili početnu fazu, u kojoj horoskop solarnog povratka tumačimo slično kao i natalni horoskop, sa naglaskom na Ascendentu, vladaru Ascendenta, kuću u kojoj je Sunce, aspekte Sunca kao i ostalih bitnih planeta u solaru. Kada smo završili sa ovom fazom prelazimo na onu u kojoj kombiniramo uglove iz solarnog i natalnog horoskopa i to na način da solarne planete stavljamo na natalne uglove, a potom natalne planete na solarne uglove. Razlika se sastoji u tome što će solarne planete na natalnim uglovima ukazivati na okolnosti koje će se natusu dešavati, dok će natalne planete na solarnim uglovima ukazivati na natusove reakcije; dakle kako će djelovati na ono što mu se dešava. Nerijetko se može desiti da na natusa utječu teške okolnosti, da ima brige (sa solarnim Saturnom na natalnom Asc, npr) ali ipak ostaje vedrog duha, spreman na druženje sa drugima jer mu npr. natalna Venera pada na solarni Ascendent ili u prvu kuću. Ovisno o tome da li je većina solarnih ili natalnih planeta oko uglova, ovisit će i da li će na natusa okolnosti djelovati više, nego što će on biti u stanju upravljati njima. Pri povezivanju natalnog i solarnog horoskopa pažnju ćemo još obratiti na to u koju kuću

solarnog povratka pada natalni Ascendent zbog toga što će to ukazivati na koje područje života će natus usmjeriti najveći dio svoje energije u toj godini pri čemu ćemo pogledati kako je on postavljen u natalu, jer i o tome ovisi kako će se izraziti. Ako se u solaru nađe u srodnoj kući, lakše će izraziti svoju prirodu, dok ako je u natalu u 12, a u solaru u 1, odjedanput će se naći u centru pažnje, ogoljen, što u jednu ruku može biti problem, dok sa druge strane može biti odlična prilika da izađe iz samozatajnosti i anonimnosti. Natalnog vladara Ascendenta potrebno je povezati sa solarnim vladarem, obzirom na to u kojoj je kući solara. Tako bi npr. sa natalnim vladarem Asc u 5 natus težio zabavama, ljubavnim odnosima, pa bi u godini kada se i solarni vladar Asc nađe u 7 jedan takav odnos mogao kulminirati brakom. Potrebno je naglasak staviti i na natalnu kuću u koju pada solarni Asc, kao i na kuće u solaru koje sadrže natalni Asc i MC. One su važnije od drugih jer ukazuju na što će natus biti usredotočen, te gdje se može ostvariti.

Ono što nadalje ima veliku važnost odnosi se na uporedne aspekte planeta iz solara i natala, posebno na konjunkcije koje u simbolici planeta ukazuju na dešavanja u toj godini. Ono na što bih još obratila pozornost je kompatibilnost planete u natalu sa pozicijom u solaru, u odnosu na znak u kojem se nalazi. Ako se planeta nalazi u istom ili, pak, srodnom elementu njeno djelovanje tokom godine će biti sinhronizirano i djelovati će, kao što djeluje i prirodno u natalu. Ako se, pak, nađe u elementu koji joj nije srodan, tj. nađe se u kvadratu ili opoziciji sama sa sobom, naići će na probleme u izražavanju vlastite prirode. Tako će Venera u srodnom elementu sa lakoćom uspostavljati odnose sa



drugima i uživati u njihovom društvu, dok će Venera koja je u nesuglasju sama sa sobom imati nesuglasice sa okolinom i probleme pri dogovaranju, prilagođavanju. Svakako da će godina u kojoj je Venera u srodnom ili istom elementu biti povoljnija za sklapanje braka, započinjanje veza i sl. Osim Venere važnost bih dala i Mjesecu koji je važan u odnosima i koji ukazuje na ispunjenje emocionalnih potreba. Ukazuje na osjećaje, na način kako ulazimo u značajne odnose. Zbog toga će i njegova pozicija u solarnom horoskopu ukazivati na područje koje će biti emotivno naglašeno, gdje se želimo osjećati „kao kod kuće“. Znak će opisati što nam je u određenoj godini potrebno kako bi se osjetili emocionalno ispunjenim i zadovoljnim. Sa Mjesecom u Raku biti ćemo ispunjeni ako smo sa nekim u vrlo prisnom odnosu, ili, pak, sa nekim stvaramo dom. Sa Mjesecom u Strijelcu maštati ćemo o putovanjima, otkrivanju novih horizonata, upoznavanju novih, drugačijih ljudi.

Kako solarni povratak opisuje dosta širok vremenski period od godine dana postoji potreba da se periodi u okviru njega suze. To se može učiniti uz pomoć podmapa solarnog povratka koje se moraju koristiti u okviru datog solarnog horoskopa. Prva od njih koja period dijeli na pola je polusolar. Sunce se u polusolaru nađe egzaktno u opoziciji na

natalno Sunce te opširnije opisuje drugi dio godine, dok će prvi dio opisivati sam solarni povratak. Slijedeća mapa je kvartalni Sunčev povratak u čijem trenutku nastajanja se Sunce nađe na 90 od natalnog Sunca. Imamo četiri kvartala od kojih svaki opisuje četvrtinu godine tj. tri mjeseca. Planeta u solaru smještena u prvoj, drugoj i trećoj kući mogla bi ukazivati na dešavanja u toj simbolici u prvom kvartalu, u slijedeće tri kuće na drugi kvartal, itd. Tehnika koja će ukazati na najfiniji vremenski period u okviru solarnog povratka je eneid. To je horoskop koji dobivamo kada je Sunce udaljeno 40 stepeni od natalnog. U toku godine imamo 9 eneida tj. godinu dijelimo na devet dijelova od po 40 dana. Eneid ćemo takođe promatrati u okviru solarnog povratka, a koristit ćemo onaj eneid koji je najbliži datumu nekog događaja koji istražujemo.

Na osnovu svih navedenih faktora pročit ću, uz kratak osvrt na natalnu postavku serije 7, koji su faktori koje se najčešće ponavljaju, te što je to na temelju čega mogu zaključiti da će brak biti sklopljen upravo u tom vremenskom periodu. Prvi od navedenih primjera vrlo je zanimljiv zbog toga što je osoba u toku pet godina sklopila dva braka. Vidjet ćemo imaju li solarni horoskopi ikakvih sličnosti, te kakva je razlika.


## Primer br. 1

## pr.br.1

## NATAL CHART

October 11, 1986  
 6:15 AM  
 Standard time  
 Rijeka, Croatia  
 45 N 20 14 E 27  
 Time Zone: 1 hours East  
 Tropical Placidus

Your Company Name  
 18 Maple Avenue  
 Nice Place, California 98765  
 Phone: 123-456-7890



Ascendentalna Vaga sa Suncem na Ascendentu imati će veliku potrebu da svoju osobnost izrazi kroz partnerstvo i brak, zbog čega će joj odnosi biti naročito bitni. Opozitni Ovan na Descendentu nije naročito sklon braku zato što je okrenut samome sebi, i problem mu može stvarati odnos, dogovor, balans. Mars, kao vladar 7. kuće otišao je u 4. kuću doma i ono što je bilo pozitivno u tom odnosu bio je svakako veliki doprinos partnera u stvaranju doma. No, kako je Mars ipak nesklon 4. kući, kući osjećaja, natus će morati doživjeti emocionalno nezadovoljstvo i povređivanje od strane partnera. Ono što nije povoljno za vladara 7 je to što se našao u znaku Vodnjaka, koji nije sklon vezivanju, već teži neovisnosti i slobodi. Natus će neko vrijeme zbog želje da osjeti sigurnost u odnosu težiti održavanju braka - Mars, vladar 7 je u sekstilu sa Saturnom, koji


kao vladar 4 predstavlja njen osobni Mjesec, međutim hirovitost, ekscentrično ponašanje partnera, verbalni sukobi i ispadi dovode do kraha odnosa - Mars je u Vodnjaku u kvadratu sa Merkurom i Plutonom. Venera koja je u senzibilnom znaku Škorpiona, nalazi se u 2. kući, što ukazuje na potrebu za sigurnosti, (emocionalne i materijalne), te u sekstilu sa Mjesecom što pokazuje njenu želju za skladnim odnosom, za ravnotežom što je u priličnom disbalansu sa napetim aspektima Merkura i Marsa koji neizbježno donose sukob. Dispozicijom Venera dolazi u znak Vodnjaka te u kvadrat sa pomenutim planetama u Škorpionu što donosi teške svađe u kojima se ne biraju riječi. Sunce, koje takođe signficira brak, ima sekstil sa Uranom i natus se relativno brzo odlučuje na razvod zbog toga što je natus otvoren za promjenu, ako nije uspio ostvariti ono što mu je u odno-

su važno. Sada ćemo pogledati što se događa u periodu od 10.2007-10.2008. u kojemu se odlučila sklopiti brak.

#### pr.br.1

Solar Return for October 11, 2007 in Rijeka, Croatia

October 11, 2007  
9:19:39 AM  
Daylight Saving Time  
Rijeka, Croatia  
45° N 20° 14' E 27  
Time Zone: 1 hours East  
Tropical Placidus



Your Company Name  
18 Maple Avenue  
Nice Place, California 98765  
Phone: 123-456-7890

Ascendent se nalazi u znaku Škorpiona koji može ukazivati na veće promjene koje se dešavaju u datom periodu. U samoj blizini Ascendenta nalazi se Merkur koji je ujedno i vladar 8, pa možemo zaključiti da natus donosi neku važnu odluku koja će bitno utjecati na njen život. Natalni je Merkur također smješten u znaku Škorpiona, pa će natus nakon žestoke svađe sa tada još dečkom, pristati da se nakon strastvene pomirbe, uda za njega. Merkur je u sekstilu sa Venerom, koja vlada 7. poljem braka, te je u konjunkciji sa Saturnom koji označava sigurnost i stabilnost za koju smo već zaključili da je natusu važna. Merkur ima i trigon sa Marsom koji je natalni vladar 7, dok je vladar njenih odluka Saturn u konjunkciji sa Venerom, vladarem solarne 7 i signifikatorom braka. Uslijed svih ovih faktora možemo zaključiti da natus intenzivno razmišlja o braku. Ono što se još ističe je i skoro

egzaktna konjunkcija Sunca i Mjeseca - spoj muškarca i žene, novi početak - u Vagi. Sunce je smješteno u 11 kući, koju na prvi pogled ne

bismo povezali sa brakom, te je u inkonjunkciji sa Uranom što u jednu ruku govori o njevoj potrebi za nečim novim i o određenom nemiru dok se to ne ostvari. Ona želi drugačiji život, i smatra da će ga pronaći u braku. Sve to ima smisla kad se prisjetimo da je njen natalni vladar 7 u Vodnjaku i da ona sa njim želi izgraditi sigurnost - sekstil Saturn. Kamo je otišao vladar Ascendenta Mars? On je u 8. kući koja potvrđuje promjenu u natusovom životu, te u sekstilu sa vladarem solarne 7, Venerom što jasno opisuje da

natus u toku ove godine stupa u brak. Natalni vladar Ascendenta je Venera u Škorpionu, a solarni Mars je u 8 pa su oba vladara Ascendenta u vezi sa serijom 8, što govori o promjenama koje je natus spreman učiniti kada stupi u brak. N-Venera je u solaru u 10. kući statusa koji se sasvim sigurno mjenja kada ona postaje udana žena. Solarni Ascendent da pada u 1. natalnu kuću, te u konjunkciju sa N-Merkurom čime se stavlja naglasak na odluku koju natus donosi te godine, a koja je vrlo važna za njen daljnji život. Veći broj planeta na istočnoj strani karte ukazuje da ona svojim vlastitim odlukama i djelovanjem nastoji kontrolirati vlastiti život. Da su u ovoj godini u prvom planu njene emotivne potrebe, vidimo po tome što S-Mjesec pada na njen N-Asc. što može ukazivati na važne odnose, stvaranje porodice, brak. Sa druge strane N-Merkur pada na S-Asc, te egzaktno na S-Merkur što




svakako naglašava puno razmišljanja, puno odluka u vezi braka i stvaranja porodice - S i N-Merkur su u trigonu sa Marsom N-vladarem 7, te Uranom u 4 koji je ujedno i vladar 4. Potvrda ovome je i N-Venera koja pada u 1. S-kuću i koja je kompatibilna poziciji u natalu (voda-zemlja). Pogledat ćemo i eneid za 8.07.2008, što je 27 dana prije ulaska u brak.

**pr.br.1**

Sun 240 Deg. Return for June 8, 2008 in Rijeka, Croatia

June 8, 2008  
2:22:43 AM  
Daylight Saving Time  
Rijeka, Croatia  
45° N 20° 14' E 27  
Time Zone: 1 hours East  
Tropical Placidus



Na osi Asc/Desc nalazi se Ovan/Vaga što je obrnuto poziciji u natalu, što čini da osi u eneidu padaju u blizini N-osi 1/7.

Kako je eneid samodostatan da pobliže objasni sliku dešavanja pogledajmo na što on sam upućuje. U 3. se kući u egzaktnom stelijumu nalaze tri planete – Merkur, za koga smo već utvrdili da ima veliki značaj tokom ove godine, Venera koja upućuje na odnose, a ujedno je i S-

vladar 7, te vladar 7 u eneidu, te napokon Sunce kroz koje ona želi iskazati svoj stav i interes u toj godini. Planete su u E-3 kući, te u sekstil/trigonu prema osi Asc/Desc.

Mars, koji vlada Ascendentom (a i solarom) je kao i u solaru u sekstilu sa Venerom, vladarem 7. U konjunkciji je i sa Mjesecom u Lavu koji ukazuje na snažne osjećaje koje

se kod natasa pojavljuju, a što smo već utvrdili budući da S-Mjesec pada na N-Asc. I u eneidu se, kao i u solaru, potvrđuje kontakt Sunca i Mjeseca, u konjunkciji, te sada u sekstilu.


Drugi brak trebao bi biti sklopljen u osmom mjesecu 2012. Pogledat ćemo koji faktori će ukazivati na taj događaj.

Drugi je brak predstavljen 9. kućom što znači da je vladar Merkur u trigonu sa Jupiterom vladarem 3 što je

**pr.br.1**

Solar Return for October 11, 2011 in Rijeka, Croatia

October 11, 2011  
8:29:59 AM  
Daylight Saving Time  
Rijeka, Croatia  
45° N 20° 14' E 27  
Time Zone: 1 hours East  
Tropical Placidus





već jak faktor za drugi brak pošto su Merkurom i Jupiterom predstavljeni drugi partner i natus.

U solaru za 2011. na samom se Ascendentu nalazi Venera što već na prvi pogled u središte zbivanja za tu godinu stavlja važne odnose. Venera je ujedno i vladar 7. solarne kuće. Konjunkcija sa Merkurom, te sekstil sa Plutonom, povezuju je upravo sa planetama koje u natalu opisuju drugi brak. Merkur je vladar N-9 u konjunkciji sa Plutonom. I ovdje se, kao i u prethodnom solaru javlja skladan aspekt vladara Ascendenta i vladara 7-Venere i Plutona.

Sunce je otišlo u pomalo netipičnu kuću za brak, ali moramo primjetiti da je vladar 9. Merkur ujedno i vladar 12, u Škorpionu, u sekstilu sa Neptunom, pa natus nema želju da ovaj događaj previše potencira u javnosti, već je prije prisutna želja da se to uradi u bliskom krugu dragih ljudi. Konjunkcija sa Saturnom u Vagi daje određeni pečat, zavjet, ozbiljnost donijetoj odluci. Sunce, kao signifikator braka ima sekstil sa Marsem, vladarem Asc.

Da se natus odlučuje na potpuno novi korak, na zajednički život sa partnerom vidimo i iz trigona Marsa, vladara Asc i Mjeseca u Ovnu koji je u konjunkciji sa Uranom, vladarem 4. Mars je u blizini MC-a što ukazuje na promjenu statusa natusa, a što je uzrokovano vjenčanjem pošto je S-Mars N-vladar 7. Natus ima velika očekivanja od partnera pošto je Jupiter u 7.


S-Venera koja je N-vladar Asc, te S-vl.7 pada u 1. kuću pa možemo reći da ljubav sama dolazi natusu, ljubav u kojoj se teži sigurnosti i drugom braku - konjunkcija sa N.vladarem 2 Plutonom i Merkurom, vladarem 9.

Koji faktori u odgovarajućem eneidu za venčanej 07.08 2012. ukazuju na vjenčanje?

#### pr.br.1

Sun 280 Deg, Return for July 19, 2012 in Rijeka, Croatia

July 19, 2012  
11:41:12 PM  
Daylight Saving Time  
Rijeka, Croatia  
45 N 20 14 E 27  
Time Zone: 1 hours East  
Tropical Placidus



Your Company Name  
18 Maple Avenue  
Rice Place, California 98765  
Phone: 123-456-7890

Na Ascendentu se nalazi znak Ovna koji simbolizira novi početak, kardinalni je znak pa najavljuje važne događaje u tom periodu. Vladar Ascendenta Mars nalazi se u znaku odnosa Vagi, blizu vrha 7. kuće što upućuje da će događanja biti vezana uz druge ljude i odnose sa njima. Mars je u egzaktnom trigonu sa Jupiterom, a koji je u konjunkciji sa Venerom vladarem 7, čime su indirektno povezani vladari 1 i 7. Kako je Mars N-vladar 7 njegov dolazak na N-Asc ukazuje na važnost odnosa.

Mars je u sekstilu i sa Mjesecom, vladarem 4, pa se intenzivira emocionalni život natusa. Mjesec je i vladar petog polja, nalazi

se u petom polju, te u konjunkciji sa Merkurom, simbolom djece, orbisa 5. Sunce na vrhu 5 također ukazuje na važnost petog polja i pitanje djeteta što se pokazuje točnim pošto je natus trudna.

Vrh 7. kuće nalazi se u Vagi, što ukazuje na važnost odnosa u ovom momentu. U


7. kući je Saturn koji daje stabilnost i postojanost braka kome natus teži. Venera je kao vladar 7 otišla u Blizance koji ukazuju da se nešto događa „dvaput“, u konjunkciju sa Jupiterom, vladarem 9 koji simbolizira drugi brak, te u egzakti sekstil sa osi 1/7. Venera pada egzaktno na vrh N-9. kuće.

### Primer br. 2

#### pr.br.2

#### NATAL CHART

February 16, 1944  
12:00 PM  
Standard time  
Rijeka, Croatia  
45 N 20 14 E 27  
Time Zone: 1 hours East  
Tropical Placidus



Your Company Name  
18 Maple Avenue  
Nice Place, California 98765  
Phone: 123-456-7890

Vladar 7. polja je Jupiter koji se nalazi na vrhu 4 i koji opisuje natusovog partnera kao emotivnu osobu, vezanu za miran obiteljski život. Jupiter je u „sukobu“ sa Suncem koje svoju osobnost želi pokazati među drugima, i to na drugačiji način - u 10 kući, u Vodnjaku. Sa Jupiterom u Lavu partner će na pomalo dramatičan način iskazivati

svoj pomalo nerealan idealizam u kojem natusa želi vidjeti onakvog kakvog on želi. U kvadratu je i sa Mjesecom koji svoj duboki intenzitet emotivnosti skriva u znaku Škorpiona.

Određeno razočarenje životom - Jupiter na padu Neptuna, partner će nadomjestiti tako što će stvoriti svoj vlastiti svijet mašte

kroz pisanje kojim se počinje baviti - dispozitor Jupitera je Sunce u trigonu sa Saturnom, vladarem njegove treće kuće, na vrhu koje se nalazi Merkur.

Iako brak nije ispunio sva očekivanja natusa koja su bila velika - Strijelac na vrhu 7, Jupiter na padu Neptuna, brak se održao dajući natusu određenu sigurnost i status - sekstil Saturn, Sunce trigon Saturn, orbis 7.

Venera se kao signifikator braka, našla u Jarcu gdje smatra da je sigurnost, stabilnost ono najvrednije što dobiva u braku, a što je vidljivo i iz pozicije Saturna na Asc. Venera u Jarcu uvijek će uraditi „ono što treba“ samo je pitanje koliko će u tome pronaći zadovoljstva.

Venera je vrh Joda koji čini sa Jupiterom i Saturnom pa tako zbog nesigurnosti u društvenim kontaktima, u javnosti (inkonjunkcija sa Jupiterom, vladarem 7) sigurnost pronalazi upravo u partneru – Saturn sekstil Jupiter. Sa druge strane problem da se pokaže naklonost i ljubav - Venera u Jarcu, inkonjunkcija Saturn, Mjesec u Škorpionu

može se prevladati otvaranjem u odnosu sa partnerom - sekstil Jupiter, trigon Sunce.


Kardinalni znaci na uglovima daju značajne događaje u ovoj godini. Natus će više emotivno biti osjetljiv i nastojat će da sređujući svoj emotivni život pokaže tko je i što želi - Rak na Ascendentu, Mjesec u konjunkciji sa Suncem.

U prijašnjem smo primjeru također imali konjunkciju Sunca i Mjeseca koja je, kao i u ovom slučaju ukazivala na sklapanje braka. Mjesec pada u N-10. kuću i natus mijenja svoju ulogu djevojke ulogom supruge. Saturn je vladar 7, i nalazi se blizu vrha 7, u egzaktnoj konjunkciji sa Jupiterom, N-vladarem 7, sa kojim je i natalno u sekstilu. Planete su u gotovo egzaktnoj konjunkciji sa N-Venerom, sa kojom su i natalno povezane. S-Venera se ističe visoko postavljena na MC-u, dok se N-približava vrhu 7 naglašavajući odnose. Dok je N-Venera, ona Venera koja čeka i koja je spremna biti strpljiva, solarna u Ovnu to zasigurno nije, pa je ovo godina u kojoj je natus spreman učiniti nešto drastično po pitanju odnosa.

## pr.br.2

Solar Return for February 15, 1961 in Rijeka, Croatia

February 15, 1961  
2:51:03 PM  
Standard time  
Rijeka, Croatia  
45° N 20° 14' E 27  
Time Zone: 1 hours East  
Tropical Placidus



Your Company Name  
18 Maple Avenue  
Nice Place, California 98765  
Phone: 123-456-7890

I natalni i solarni Ascendent nalaze se u Vodnjaku i ovo je zasigurno bila godina velikih promjena u kojoj se natus udaje, naglo odlazi od kuće, zapošljava se... U 8. kući, koja je kuća promjene i transformacije, nalaze se 3 osobne planete. Mjesec u Vodnjaku želi neovisnost, i u konjunkciji sa Suncem, N-vladarem 4, te opoziciji sa Uranom, pa ona iz protesta i neslaganja sa majkom napušta roditeljski dom.




Eneid koji odgovara periodu vjenčanja je eneid za 7.01.1962.

**pr.br.2**

Sun 320 Deg. Return for January 7, 1962 in Rijeka, Croatia

January 7, 1962  
11:38:25 AM  
Standard time  
Rijeka, Croatia  
45 N 20 14 E 27  
Time Zone: 1 hours East  
Tropical Placidus



Your Company Name  
18 Maple Avenue  
Nice Place, California 98765  
Phone: 123-456-7890


Vrlo naglašeni znak Jarca, kao i naglašena 10. kuća, prirodna kuća Jarca u kojoj se nalazi čak pet osobnih planeta, ukazuje na gotovo neuništivu želju da se unatoč mogućim poteškoćama istraje u svojim namjerama. U 10. se kući, u konjunkciji nalaze vladari 1 i 7, Mars i Venera koji čine stelijum sa Mjesecom koji je u istom znaku sa Suncem i Merkurom. Kao i u prethodnim primjerima imamo potvrdu sklapanja braka povezanošću vladara 1 i 7, kao i Sunca i Mjeseca.

**Primer br. 3**

**pr.br.3**

NATAL CHART

September 30, 1949  
1:45 AM  
Standard time  
Kobarid, Slovenia  
46 N 15 13 E 35  
Time Zone: 1 hours East  
Tropical Placidus



Your Company Name  
18 Maple Avenue  
Nice Place, California 98765  
Phone: 123-456-7890

Vodenjak na vrhu 7. kuće nije tipičan znak za bračni život, zbog toga što Vodenjak treba slobodu, individualac je koji zahtjeva da se poštuju njegovi životni principi. Zbog toga će i trebati partnera koji ga neće ograničavati, nego poticati njegove stavove. Saturn, kao vladar 7, odlazi u zemljani znak Djevice koji će partnera opisati kao intelektualnu, racionalnu osobu koja se brine i o materijalnim potrebama obitelji - Saturn u 2, Merkur vladar 2 u konjunkciji sa Suncem. Ovaj Saturn voli biti kod kuće (iako nekada zna biti i žestoko) i voli se brinuti da njegova obitelj ima ono što joj treba - Saturn sekstil Venera u 4, trigon Mjesec u Jarcu. Svoje će osjećaje nastojati iskazati prije kroz djela nego riječima.

Drugi vladar 7. kuće je Uran, koji naglašava svoju prirodu padajući, u srodnu mu 11. kuću koja traži prijateljstva, druženja, spajanja sa ljudima različitih interesa. Uran se nalazi na 4. stepenu Raka, potencirajući simboliku doma i obitelji, te mogućeg emocionalnog nemira, potrebe da se nešto događa, kreće. Uranov kvadrat sa Suncem, koji je vladar Ascendenta, u konflikt dovodi natusa i partnera zbog toga što Sunce u Vagi da bi zasjalo upravo treba partnera, dok Uran želi širok prostor kojim se neograničeno može kretati. Natus je prilično jaka osoba koja sa Ascendentalnim Lavom, te Plutonom i Marsom na Ascendentu želi kontrolirati svoj emotivni i bračni život – Mars i Pluton su vladari 4 na Asc u kvadratu sa Venerom u 4.

Venera se nalazi u strastvenom znaku Škorpiona koji nosi dozu potrebe da se nekoga posjeduje, što je samo prikriveni strah od gubitka. Iako može biti emocionalno povrijeđena od partnera, ona će u njemu imati stabilan oslonac koji je neće iznevjeriti - Venera u 4 u kvadratu sa Marsom i Plutonom, u sekstilu sa Saturnom i Mjesec-Jupiterom. Natus će, ma koliko razmirice bile velike, uvijek pokušavati da iz toga izvuče nešto dobro i nada se boljem - Venera sekstil Jupiter.

Za natusa je od značaja u braku dobra komunikacija jer se vladar Ascendenta nalazi u 3. kući, te u konjunkciji sa Merkurom u Vagi. Međutim, vidimo da ta za Vagu potrebna ravnoteža zna biti narušena pošto se u 3 nalazi i vladar 8, Neptun, a i Venera je ugrožena od malefika.


Sada ćemo pogledati solarni povratak za 1975. u kojoj se natus udaje i seli iz tog razloga.

### pr.br.3

Solar Return for September 30, 1975 in  
Kobarid, Slovenia

September 30, 1975  
8:40:03 AM  
Standard time  
Kobarid, Slovenia  
46 N 15 13 E 35  
Time Zone: 1 hours East  
Tropical Placidus

Your Company Name  
18 Maple Avenue  
Nice Place, California 98765  
Phone: 123-456-7890



Kada ne bismo znali pozicije u natalnom horoskopu, možda bi bilo neobično što se u solarnom horoskopu Sunce smjestilo u 11. kuću u konjunkciju sa Plutonom. Međutim, znamo da se na Descendentu nalazi znak Vodnjaka pa je Sunce upravo u kući koje podržava atmosferu Vodnjaka. Tako će ova konjunkcija opisivati naglu, neplaniranu promjenu koja će u potpunosti promijeniti dotadašnji život natasa, čemu je sklona već po poziciji Plutona na Ascendentu. Neptun, kao osobni Pluton, vladar 8, potvrđuje ovu situaciju... Na Ascendentu se nalazi Uran, planeta promjene, koja je i natalni vladar 7. kuće, pa pretpostavljamo da je promjena vezana za odnose. S-Ascendent pada egzaktno na vrh 4. kuće što aktivira njen emotivni život, ali i preseljenje koje je za nju vrlo važno - S-Uran dolazi na vrh N-4, kao vladar S-4 nalazi se na Asc. Da je ovo godina u kojoj će odnosi biti važni potvrđuje i pozicija N-Venera koja se smjestila u 1. kuću solarnog povratka. Mjesec u znaku Raka čini osobu u ovoj godini osjetljivijom, željom osjećaja da sa nekime bude bliska što se i aktivira stvaranjem novog doma, obitelji, braka. Mjesec ide u konjunkciju sa Saturnom koji joj pruža potrebnu sigurnost koja je već pokazana i u natalu njihovim sekstilom, što osoba sada prepoznaje. Ono što nam je cilj u životu, ono prema čemu idemo prikazano je 10. kućom i MC-om, a u ovoj godini najvažnija oblast koja zanima natasa biti će oblast odnosa jer se S-Venera, vladar 7 i signifikator braka nalazi u 10, blizu MC-a. Venerin trigon sa Jupiterom srodan je sekstilu te dvije planete u natalu.

Vladar Asc Mars u sekstilu je sa Venerom, vladarem 7, pa se već po treći put u primjerima ponavlja skladan aspekt vladara 1 i 7 koji su uz to Venera i Mars. Trigon sa Merkurom u Vagi ukazuje da natus inicira odluke koje se tiču veza što mu donosi bitne promjene - Mars je u Blizancima, u 8, trigon Merkur u Vagi.

I ovdje možemo pronaći sličnu situaciju onoj u natalu jer se N-vladar Asc nalazi u 3 u konjunkciji sa Merkurom u Vagi, te u kvadratu sa vladarem 7 Uranom, dok se u solarnu S-vladar Asc Mars u Blizancima nalazi u trigonu sa Merkurom u Vagi, te u sekstilu sa vladarem 7 Venerom. Možemo zaključiti da će u ovoj godini odluka da se stupi u brak biti lakše prihvaćena nego što je to nagovješteno natalom.

S-Venera natusu donosi ljubav - S-Venera pada u N-1. kuću.


Kako se solarni horoskop poklapa sa natalnim, tako i eneid, iako djeluje sam za sebe, predstavlja dio solara. Kako se eneid nadovezuje na solar i natal?

### pr.br.3

Sun 280 Deg. Return for July 8, 1976 in Kobariš, Slovenia

July 8, 1976  
3:18:22 PM  
Standard time  
Kobariš, Slovenia  
46 N 15 13 E 35  
Time Zone: 1 hours East  
Tropical Placidus

Your Company Name  
18 Maple Avenue  
Nice Place, California 98765  
Phone: 123-456-7890





Ascendent se nalazi na 18. stepenu Škorpiona, pa E-Asc gotovo egzaktno pada na N-Veneru čime se potvrđuje oblast odnosa koja je upečatljiva u ovom periodu, kada samo 11 dana natusa dijeli od sklapanja braka. Asc pada u natusovu 4. kuću za koju smo utvrdili da je važna u ovoj godini. Sunce koje nam govori gdje natus želi zasjati, u konjunkciji je sa Venerom u Raku, koja ponovo povezuje brak i dom. Venera je i vladar 7, kao i u solaru. Sunce je u konjunkciji i sa Merkurom, koji u sebi nosi Marsa, vladara Asc, čime su indirektno Mars i Venera, kao vladari 1 i 7 povezani. Venera se približava

S-Mjesecu, pa će djevojka sada postati supruga.

Mars, vladar Asc u konjunkciji je sa S-Venerom, vladarem 7, što je jasna slika povezivanja natusa sa partnerom, koji je i u eneidu u sekstilu sa Uranom, N-vladar 7.

Mjesec i Saturn potvrđuju jedno drugom vjernost, kao u solaru, kao i u natalu, trigonom.


Jupiter, koji je smješten u 7. kući, i koji u solaru ima sekstil/trigon sa vladarima 1/7, Marsom i Venerom, i u eneidu ima sekstil sa Venerom, vladarem 7.

### Primer br. 4

#### pr.br.4

#### NATAL CHART

April 16, 1964  
6:30 PM  
Standard time  
Rijeka, Croatia  
45 N 20 14 E 27  
Time Zone: 1 hours East  
Tropical Placidus



Your Company Name  
18 Maple Avenue  
Nice Place, California 98765  
Phone: 123-456-7890

Sa Ascendentom u znaku Vage odnosi sa drugim ljudima igraju važnu ulogu u životu natasa. Tri planete u 7. kući čine tu kuću važnijom od drugih, posebno jer se na vrhu 7 nalazi i Sunce koje upravo kroz odnose želi iskazati svoju osobnost. Venera, koja je vladar Ascendenta, u sekstilu je sa Marsom, koji je vladar 7, iz čega je vidljivo da su osobi važni brak i odnosi.

Iako su mogući problemi u braku nagoviješteni time što su Mars i Venera, kao signifikatori braka, oštećeni djelovanjem Urana i Plutona, Mars se nalazi u znaku svog sjedišta, u Ovnu i vrlo će se vjerovatno izboriti za ono do čega mu je stalo. Sunce koje se nalazi u 7 podržano je od strane Jupitera, koje će optimistično, ali opet i trezveno zaključiti da se problemi rješavaju razgovorom, pogotovo ako u braku postoji ljubav i ako je brak ono što natasa čini sretnim - Jupiter, kao vladar 3 i 5 nalazi se u Biku u konjunkciji sa Merkurom. Takav stav natasu će se isplatiti jer sekstil Jupitera i Saturna obećava dugotrajnost.

Partner je vrlo važan natasu i zbog toga što je signifikator supruge Mjesec u Blizancima u egzaktnom sekstil/trigonu sa osom Asc/Desc, pa će razgovor, planovi, razmjena mišljenja biti važan podsticaj natusovom izražavanju u tom odnosu, i to naročito na polju karijere i posla - Mjesec u Blizancima sekstil Sunce u 7, vladar ukliještenog Lava u 10.

Natus u brak ulazi relativno mlad, naglo, bez razmišljanja, te se u periodu od samo godinu dana od upoznavanja ženi - Ovan je na vrhu 7, Mars u Ovnu, vladar 7 sekstil Venera.

Najznačajniji faktor u tom momentu je trudnoća partnera, naglašena strast između ljubavnika, što je i prikazano pozicijom Jupitera, vladara 5 u 7.


Što se te godine događa u natusovom solaru?

#### pr.br.4

Solar Return for April 17, 1986 in Rijeka, Croatia

April 17, 1986  
3:14:45 AM  
Daylight Saving Time  
Rijeka, Croatia  
45 N 20 14 E 27  
Time Zone: 1 hours East  
Tropical Placidus

Your Company Name  
18 Maple Avenue  
Nice Place, California 98765  
Phone: 123-456-7890



Sunce se u solaru, kao vladar 7 smjestilo u 2. kući, kući onoga što smatramo vrijednim. Ima trigon sa Uranom koji je S-vladar Ascendenta što je situacija koja se u primjerima često ponavlja.

U blizini MC-a smjestio se Saturn koji kao vladar Asc ima trigon sa Desc, ali i sa N-Marsom koji vlada 7. Sklapanje braka potvrđuje i Uran koji ima isti aspekt sa N-Marsom.

Na Ascendentu se javlja znak Vodenjaka koji je natalno ukliješten u 4. kući i upravo će ovo biti godina kada natus postaje potpuno neovistan po pitanju stvaranja novog doma sa partnerom i kada se nastoji dokazati na tom planu. I kroz vladara 4 Merkura vid-

ljivo je da natus završava sa nekim svojim djelom života, pošto se Merkur nalazi na 29. stupnju posljednjeg znaka Riba te u kvadratu sa Uranom (koji predstavlja natasa) napušta roditeljski dom što mu i nije bilo lako prihvatljivo. Mi i iz natala uviđamo da će se u natu-sovom životu događati situacije kada neće moći sve kontrolirati jer je vladar Asc Venera (a radi se o odnosima - također Venera) u kvadratu sa Uranom. Upravo se sada događa takva situacija kada zbog braka, partnera napušta roditeljski dom (što je u našoj sredini čak pomalo neobična situacija jer je „pravilo“, istina koje već danas manje vrijedi, da žena udajom napušta svoj dom).


S-Mjesec koji je u inkonjunkciji sa Uranom stvara unutarnju napetost natusu, približava se N-MC-u što stvara fokus upravo po pitanju doma, obitelji. Dodatnu osjetljivost stvara pozicija Mjeseca u Raku.

N-Venera, vladar Asc pada u S-4. kuću ponovo naglašavajući to područje života.

Eneid za 28.05.1986.

#### pr.br.4

Sun 40 Deg. Return for May 28, 1986 in Rijeka, Croatia OP Solar Return for April 17, 1986 in Rijeka, Croatia  
 May 28, 1986  
 11:00:45 AM  
 Daylight Saving Time  
 Rijeka, Croatia  
 45 N 20 14 E 27  
 Time Zone: 1 hours East  
 Tropical Platidus



Your Company Name  
 18 Maple Avenue  
 Nice Place, California 98765  
 Phone: 123-456-7890


Ascendent eneida nalazi se na 18. stepenu Lava, pa pada u solarnu 7. kuću što znači da su znaci na osi Asc/Desc izmjenjeni. Sunce, koje je sada i vladar Ascendenta, smješteno je visoko u 10. kući i u trigonu je sa Mjesecom koji se približava vrhu 7, što čini spoj muško-ženskog, spoj onoga što jesmo sa onim što trebamo. Mjesec u eneidu pada sasvim blizu vrha 1. kuće, na Asc, što ukazuje na važnot emotivnog života osobe. Venera u Raku, u trigonu sa Plutonom potencira temu doma, novog početka jer je Pluton koji ukazuje na promjene na vrhu 4, vladar 4.



## pr.br.4

## NATAL CHART

January 24, 1973  
 8:00 AM  
 Standard time  
 Rijeka, Croatia  
 45 N 20 14 E 27  
 Time Zone: 1 hours East  
 Tropical Placidus



Your Company Name  
 18 Maple Avenue  
 Nice Place, California 98765  
 Phone: 123-456-7890

Sunce se kao vladar 7. polja smjestilo u 12. kući, blizu Ascendenta što je doprinjelo tome da na početku braka natus ne spozna partnera u pravom svjetlu. Partner je vrlo važan natusu zbog toga što na početku braka, na neki način preko njega želi iskazati svoju osobnost, skriva se iza njega smatrajući ga jakim, spremnim riješiti sve probleme.

Jačajući vlastito samopouzdanje mjenja se i slika partnera kroz znak Djevice. Merkur, kao vladar, opet se nalazi u konjunktiji sa Suncem, ali je sada naglašeniji Merkur i znak Djevice koji ga čini spremnim uvijek pomoći, biti na usluzi, obavljati svakodnevne obaveze naročito po pitanju obitelji pošto je Merkur ujedno i vladar 4.

Venera u Jarcu daje sigurnost koju natus osjeća uz partnera, na kojega se u svakom trenutku može osloniti. Potrebno je naučiti pokazivati osjećaje i shvatiti da smo vrijedni toga da budemo voljeni sa čime natus može imati problem u vezi – Saturn, vladar Asc u Blizancima u 4, Mjesec kvadrat Venera u Jarcu, Venera inkonjunktija Saturn.


Natus se nakon dugogodišnjeg zajedničkog života (Saturn u 4 inkonjunktija Venera u Jarcu) odlučuje udati za partnera - Merkur, vladar 5 u konjunktiji sa Suncem vladarem 7.

Što se ističe u solaru za tu godinu?

**pr.br.4**

Solar Return for January 24, 1999 in Rijeka, Croatia

January 24, 1999  
3:46:28 PM  
Standard time  
Rijeka, Croatia  
45 N 20 14 E 27  
Time Zone: 1 hours East  
Tropical Placidus



Your Company Name  
18 Maple Avenue  
Nice Place, California 98765  
Phone: 123-456-7890

Sunce, kao najvažniji faktor za datu godinu, nalazi se u 7. polju stavljajući naglasak na pitanje braka. Podsjetimo se da je on i N-vladar 7 što tim više naglašava tu oblast.

Sa Suncem, vladarem 7 u 7 koje je u konjunkciji sa Uranom, N-vladarem Asc možemo pretpostaviti da je ovo godina kada osoba ulazi u brak.

Ono što se ponavlja u gotovo svakom primjeru događa se i u ovom, jer su vladari 1 i 7 Mjesec i Saturn u konjunkciji u 10. kući koja govori i o promjeni statusa. Natus udajom zasigurno prihvaća na sebe više obaveza, ali i dobiva osjećaj središnjosti, stabilnosti i sigurnosti. Na samom se vrhu 7. polja našao Merkur u Jarcu koji, kao natalni i solarni vladar 4, ukazuje na zabrinutost i tugu radi teške obiteljske situacije koja se tiče oca - Merkur u Jarcu, vladar 4 kvadrat Saturn u Ovnu, Mars u 4 opozicija Saturn i Merkur

Natus proživljava i emotivnu dramu jer je vezan za roditelja i obitelj što se vidi iz

N-vladara Asc koji se nalazi u 4, te konjunkcije Mjeseca i Urana koji je drugi vladar Asc. U solaru je Rak na vrhu 1. kuće, a Mjesec je opterećen Saturnom i Marsom u 4. kući.

S-Mjesec je u egzaktnom kvadratu sa N-Merkurom vladarem 4.

S-Venera je u sekstilu sa Saturnom, što joj je i srodno jer se natalno nalazi u Jarcu.

Kada S-Veneru „premjestimo“ u natal vidjet ćemo da pada u 1. natalnu kuću što natusu donosi godinu u kojoj su važni odnosi, te u gotovo egzaktan trigon sa Uranom koji predstavlja natusa. Isto tako N-Venera, zajedno sa Jupiterom, koji u S-7 kući naglašava odnose.

Kako se radi o oblasti koja se tiče ljubavi i emocija pogledat ćemo kompatibilnost Venere i Mjeseca sa pozicijom u natalu. N-Venera je u Jarcu, solarna u Vodenjaku što joj u ovoj godini daje odvažnost da nešto mjenja u odnosima, započne nešto novo, međutim tu je i sekstil sa Saturnom koji će se pobrinuti da i u tom novom natus potvdi sigurnost koju dobiva brakom.


N-Mjesec je u zračnoj Vagi koja nastoji emotivnu stranu života držati u balansu, dok je solarni u Biku koji osjeća želi materijalizirati, koji želi papir koji će potpisati kako bi se osjećao sigurnim.

Kako je postavljen eneid koji odgovara venčanju za 07.08.1999?

**pr.br.4**

Sun 160 Deg. Return for July 6, 1999 in Rijeka, Croatia

July 6, 1999  
6:18:36 PM  
Daylight Saving Time  
Rijeka, Croatia  
45° N 20° 14' E 27'  
Time Zone: 1 hour East  
Tropical Placidus



Your Company Name  
18 Maple Avenue  
Nice Place, California 98765  
Phone: 123-456-7890

Pluton na Ascendentu zasigurno unosi velike preokrete u život natusa, a koji su vezani za pitanje odnosa pošto je Pluton u trigonu sa Merkurom, vladarem 7. kuće, kao i sa Mjesecom u Ovnu koji ukazuje na novi početak u zajedničkom domu sa partnerom (koji je S-vladar Asc).

Sunce je otišlo, kao i u solaru, u 7. kuću, te u egzaktan sekstil sa Saturnom, S-vladarem 7.

Jupiter, vladar Asc u eneidu u egzaktnoj je konjunkciji sa S-Mjesecom, vladarem Asc. koji je u konjunkciji sa vladarem 7, Saturnom.

Merkur koji je vladar 7, pada u 1. solaru kuću, a Venera je u trigonu sa Jupiterom, vladarem Asc. E-Venera je u trigonu sa S-Saturnom što je aspekt koji se provlači kroz cijeli ovaj primjer.

\*\*\*

Što je zajedničko, a što različito što možemo izdvojiti kroz ove primjere?

Ono što je najprepoznatljivije u svim primjerima je skladan aspekt između solarnih vladara 1. i 7. kuće koji su u većini slučajeva Venera i Mars koji i po svojoj simbolici sugeriraju dešavanja na polju odnosa. Slijedeći faktor koji se ponavlja bilo u solaru, bilo u eneidu je povezanost Sunca i Mjeseca, često putem konjunkcije koja označava novi početak, bilo preko sekstila i trigona. Mjesec i Venera kao emotivne planete u više su navrata smještene blizu MC-a ili su u 10. kući, što donosi promjenu statusa i ukazuje na važnost odnosa u tom periodu, ukazuje na ono što nam je u toj godini primarni cilj. Pozicija S-Mjeseca na N-Ascendentu također će ukazivati na važnost emotivnog života natusa. Često ćemo uvidjeti i da će S-Venera pasti ili u 1. solaru ili, pak, u 1. natalnu kuću, ili da će, pak, N-Venera pozicijom doći u 1. solaru kuću, već ovisno o tome koliko natus sam aktivira svoj ljubavni život ili koliko mu on dolazi. Rane druge pozicije koje također ukazuju da je upravo brak ono čime je natus zaokupljen su Asc u eneidu koji pada egzaktano na N-Veneru, izmjenjene ose Asc/Desc preko eneida i solara, vladar solarne 7 u 7.

Radeći na primjerima naišla sam na pozicije Sunca koje su me na prvi pogled nemalo iznenadile, međutim povezujući ih sa natalnim slikama, pronašla sam im smisao. Ono što se prirodno nadovezuje na poziciju Sunca u solaru su aspekti koje Sunce ima sa drugim planetama u solaru.



Solarna godina, koja započinje danom kada nam je rođendan, prilika je da upravo u toj godini učinimo ono što smo oduvijek htjeli, da pokušamo ostvariti svoje snove, da rastemo, razvijamo se, u bolju, pozitivniju, sretniju osobu jer...

*„I dalje vjerujem da Sunce izlazi svakog dana i da svako novo Sunce najavljuje novi dan; dan koji je juče bio budućnost. I dalje vjerujem da će današnji dan, u trenutku zatvaranja jedne stranice vremena, obećati sutra – ranije nepredvidivo, kasnije neponovljivo.“*

Carlos Fuentes, Tera Nostra

#### LITERATURA:

1. Kirbi, Bebs, Stabs, Dženi, Tumačenje solarnog i lunarnog povratka, Metaphysica, Beograd, 2006.
2. Merriman, Raymond, Solarni povratak, Astro.Lab, Zemun, 2008
3. Marč, Marion, Mekevers, Džoan, Najbolji način da se nauči astrologija, Dječje novine, Gornji Milanovac, 1990.